

Իսկ Սիւլէյման Փաշա՝ որ նստէր 'ի Նազարէթ, խընդ-  
րէր դրամս 'ի վանականաց, և 'ի բաց ասելն սոցա՝ կա-  
լաւ 'ի ճանապարհի զուխտաւորս և արկ զնոսա 'ի գանս  
և 'ի տանջանս՝ կամեցեալ խալաւ մերկացուցանել զնոսա,  
զի վանականք ձեր ասէ՝ ոչ հասին ինձ 'ի թիկունս 'ի նե-  
ղութեան իմում: և 'ի պաղատիլն ուխտաւորաց՝ առնու  
'ի նոցանէ 13 քսակս եւ արծակէ, եւ սպառնալեօք դրէ  
յերուսաղէմ առ Հայս եւ առ Յոյնս բովանդակել զայն  
150 քսակ: զի եթէ ոչ ասէ՝ չիք հնար անցանել աստի  
ուխտաւորաց ձերոց: Եւ նոցա վարանեալ 'ի միտս իւր-  
եանց, խոտացան կատարել զհրամանն նորին: Յետ այնո-  
րիկ բռնացեալ Սիւլէյմանայ 'ի վերայ Լատին կղերց՝ պա-  
հանջէր 'ի նոցանէ 1000 քսակս դրամոց, և 'ի չառնուլ նոցա  
յանձն՝ աւարի ետ զվանս նոցա 'ի Նազարէթ, և մերկա-  
ցոյց զնա յամենայն գոյից, սպառնացեալ հիմն 'ի վեր տա-  
պալել զնա: Իսկ վանականք մաղապուր փախստեայ զեր-  
ծան անտի և անկան յերուսաղէմ՝ պատմիչ լինելով անցիյն:  
Եւ Թէոդորոս Պատրիարք իւրովքն հանդերձ տաքնապէին  
և տառապէին 'ի նեղութիւնս յայսոսիկ, և հասեալ 'ի չքա-  
ւորութիւն յետին յերեսաց կեղէքչաց, դառնացեալ ո-  
գւով գոչէին առ Աստուած և առ ազգն հասանել յօգ-  
նութիւն:

Որոյ վասն ժողովեալ միարանաց և երեւելի ուխտա-  
ւորաց տարւոյն զրեցին 'ի Կոստանդինուսօլիս աղերսա-  
խառն պաղատանօք անպատճառ վճարել զխոլիցայս Ասու-  
մէրազի և ազատել զինքեանս 'ի բռնութենէ նորին, զի  
փակեալ էին ճանապարհք յերկուստէք, և չէր հնար նոցա  
խոտորիլ յաջ կամ յահեակ (1805. Յունվար):

Փոլիցայք Ասու Մէրազի դարձան յետս 'ի Կոստանդի-  
նուսօլսոյ՝ զի ոչ առին յանձն ազգայինք վճարել զայնչափ  
գումարս գրամոց: Մէհէմէտ Փաշայ լցեալ անհնարին  
բարկութեամբ ձեռն արկ չարչարել զվանականս Յոպպէի՝  
պահանջելով 'ի նոցանէ զգումարս գրամոց 'ի նոյն տեղի,  
և ուխտաւորք տարւոյն արգիլեալ մնացին յերուսաղէմ,  
առաքեաց նա զօրականս և կալաւ զամենայն անցս ճանա-  
պարհաց՝ զի զամենեսեան գումարեսցեն 'ի Յոպպէ՝ և ա-  
րասցէ նոցա ըստ հաճոյից իւրոց, իսկ ուխտաւորք այլ ոչ